

# Izintokazi zizotheleka kuleli emncintiswaneni ka-Miss World

## **NOLUTHANDO MKHIZE**

**SEKUBALWA** izinsuku ngaphambi kokuthi izintokazi ezinhle zomhlaba zitheleke eNingizimu Afrika emncintiswaneni ka-Miss World.

Abahleli balo mcimbi bathi konke sekumi ngomumo njengoba izintokazi eziqhamuka emazweni angaphandle zizotheleka ngobuningi bazo kule mpelasonto.

Indumezulu yalo

mcimbi izobe ise-Sandton Convention Centre, eGoli, ngoDisemba 13 lapho kuyokhethwa khona intokazi enhle emhlabeni wonke.

Lezi zintokazi ngeke zizinze kwaNdongaziyaduma kuphela kodwa zizophinde zitheleke nakwelikaBhanana ekupheleni kwale nyanga.

Lezi zintokazi ziyobe zivakashele iTheku embukisweni

wengqephu.

UNksz Lindiwe Mahlangu, oyisikhulu esiphezulu se-Joburg Tourism, uthe ukuba khona kwalo mcimbi ngeke kuhlomulise ezokuvakasha kuphela.

“Ngisho nosoma-bhizinisi abancane bazohleka ngokuza kwalo mncintiswano njengoba kusetshenziswe izinkampani zaseNingizimu Afrika ukuwuhlela,” kusho

yena.

UMiss South Africa, uTansey Coetzee, nguye ozobe emele i-Ningizimu Afrika kulo mbango wesicoco.

UNksz Mahlangu uphinde waveza ukuthi ukuba khona kuka-Miss World kuzophinde kusize izinhlangano zabahlwempu zaseNingizimu Afrika njengoba uMiss World ugxile kakhulu ekuqongeleleni izimali zabantu abahluphekayo.

**UTANSEY Coetzee** ongumiss South Africa ozobe emele i-Ningizimu Afrika ku-Miss World

Isithombe: AP

